

摘藻堂四庫全書薈要

集部

欽定四庫全書薈要

集部

竹友集卷一至

三

詳校官助教臣謝登雋



欽定四庫全書蒼要

竹友集目錄

卷一

古詩

卷二

古詩

卷三

古詩



卷四

古詩

卷五

近體詩

卷六

近體詩

卷七

近體詩

卷八

雜著

卷九

雜著

卷十

墓志祭文

臣等謹案竹友集十卷宋謝邁撰邁字幼槃  
臨川人江西詩派二十五人之一也與從兄

逸齊名號曰二謝逸所撰溪堂集久佚不傳

僅散見永樂大典中惟邁集猶存於世攷王

士禎居易錄載竹友集十卷詩七卷雜文三

卷此本卷數相同蓋即其所見之本也士禎

評其詩曰在江西派中亦清逸可喜然涪翁

沉雄豪健之氣則去之遠矣又稱其顏魯公

祠堂十八學士圖諸長歌及尋山紅葉半句

雨過我黃花三徑秋二句靡靡江籬只喚愁

一詩持論皆允至所稱按浮蕉葉展新綠  
慙榴花開晚紅瘦藤柱下萬峰頂老鶴來歸  
千歲巢則殊不盡邁所長蓋一時興到之言  
非篤論也乾隆四十三年正月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書蒼齋要卷一萬五千三百八十二

集部

竹友集卷一

宋 謝邁 撰

古詩

賦陳虛中振芳堂

青腰按節臨天關幻成圭壁驚人寰一朝忽起粘槁想  
墮作人間冰雪顏國香端擬避清絕鳳車安得窺幽閒  
雪中長疑肌起粟挽住直恐乘風還風流別乘似何遜



哦詩興健排江山華堂燒燈呼客醉况引玉頰倚瑯闌  
廣平題賦工婉媚杜陵索句愁飛翻山人徑欲悟香寂  
何當步繞橫斜間

雙蓮閣

水芝凝露披芳塘淺粧濃畫爭煌煌其間艷異不世出  
連芳並蒂知何祥有如一座兩殊色盈盈直立漢昭陽  
九回沉水不須沐風生露洗皆生香公如瑤林映紅粉  
粲然一笑傾澄觴故開華閣掛銀榜大篇金薤垂琳琅

吾聞草木正瑞世，  
篋蒲扇暑芝生房。  
須煩丹青顧陸手，  
貌取絕艷歸明光。

三益齋

元龍湖海豪蓋世，  
聲藉藉只今觀耳孫。  
才皆萬夫敵，叔兮美無度伯也。  
古遺直當年種玉翁，  
十襲裹雙壁。期公垂天雲，  
佐郡試戢翼。尚開柴桑徑，  
引領望三益。嘗聞築燕臺，  
千里走樂劇。市骨捐千金，  
廐乘盡虎跡。公乃真好事，  
屣履見逢掖。定知子輿輩，  
一笑皆莫逆。

顏魯公祠堂

上皇御宇無長策牧羊奴子孤恩澤銀菟分印屬兒曹  
二十餘州盡陷賊常山死守平原拒公家兄弟聲名赫  
平原白首立班行忠義凜凜真嚴霜歷事四朝唯一節  
當年舌舐中丞血豈知丞相面如藍貌雖夷易心巉巖  
老臣何罪死虎口到今誰為祛其銜臨風志士長悲吒  
矧瞻遺像嚴祠下未能立草迎送詞一奠椒漿淚盈把

十八學士寫真圖

虬髯少年龍鳳姿手提一劍平九維瀛洲學士十八輩  
如雕虎嘯清風隨到今丰姿傳粉繪皎如琪木叅瓊枝  
秦王功高蓋天下脫畧世故容小疵數公不語意有在  
敬宗流輩曾何知倘收王魏文學館事如辰嬴當早諫  
美哉貞觀猶有恨洗蘇衆像一長嘆

靜寄齋觀文忠公墨跡

董何呼我顛倒裳杖藜街西過王郎郎君好事初舉觴  
平頭奴子舁兩囊開視文書浩搶攘其間穠秕煩播颺

忽驚墨妙筵有光問誰所書曰歐陽而我盥水方取將  
覽之三過神色揚反嗟從來見未嘗字體道媚筆意剛  
公為文章軋子長立朝義氣凜秋霜借如春蚓紫行行  
亦當珍之什襲藏况公字畫乃如此銀鈎金繩粲繭紙  
公嘗臨池墨池水尚言如舩逆風使後來誰評新麗體  
出公一頭子蘇子

與諸友汲同樂泉烹黃蘗新芽

尋山擬三滄放箸欣一飽汲泉泣銅瓶落磴碎鷹爪長

為山中遊頗與世路拗此好古胸茗椀得搜攪風生  
覺泠泠祛滯亦稍稍夜深可無睡澄潭數參昂

讀呂居仁詩

吾宗宣城守詩壓顏鮑輩其間警拔句江練與霞綺居  
仁相家子歛退若寒士學道期日損哦詩亦能事自言  
得活法尚恐宣城未今晨開草堂書帙亂無次探囊得  
君詩疾讀過三四淺詩如蜜甜中邊本無二好詩初無  
竒把玩久彌麗有如菴摩勒苦盡得甘味

闕

侯南州傑

論文極根抵讀君詩卷終曰此有闕地期君高無上二  
謝以平視要當掣鯨魚豈但看翡翠

王坦夫靜寄齋

狙猴在深山騰蹕不少停大龜藏神屋縮首都無營冥  
觀靜躁異洞見萬物情吾聞子王子總角遊帝城歸來  
鬢猶綠閉關慕淵明曲肱北窓下風聲肅泠泠夢覺忽  
驚起猶疑車轂鳴齋居屏萬慮乃以靜寄名是中得其  
趣君門可長扃倘知定能應子冠定能纓鏡以靜故明

水以靜故平茲言置座右可配崔瑗銘

示何之忱

往年君別去上馬愁凜冽今年見君面揮汗驚執熱吾  
曹雪點鬢忽忽值晚節云何會心侶乃作如許別昨朝  
聞扣門梳髮不暇結開門問無恙欲語聲屢咽君家嬌  
小女可念真玉雪朝嬉繞君傍忽作泡幻滅念我溪堂  
老誰能續此絕嗟哉溪澗毛瑣細不容擷相逢顏未開  
苦語心已折吾人要解事視世一蟻蛭共將煩惱緣一



付廣長舌君歸數過我不厭酒屢設人生浪自苦豈不  
愧前喆

哭董彥孚

川流日夜去逝者乃如此平時所知人強半今為鬼頃  
者哭子兄淚積垢未洗寧知少日間俄又哭董子憶昨  
招君談時維六月肫君方以病告一卧不復起啟手無  
別言慟哭長已矣初君在童丱警敏無與比讀書五行  
下大父嘗竊喜謂當寄門戶竟以韋布死死生事亦大

誰能獨免耳願沾甘露味倘悟無生理

歲將除因誦前賢祭字韻詩慨然有感次其韻請  
彦光同賦蓋予與彦光皆年三十九矣

春糧適百里九十居其半駸駸入老境競起末路嘆在  
世無他能聊以滑稽玩所嗟金石交契濶或星散詩憶  
西堂語酒藉南鄰伴共為終年醉莫歌何時且文書謾  
遮眼插架復盈案四愁不堪擬九歌僅能亂發春只數  
日故態期類盥寧知性本慵矧復肉亦緩人猶樂新故

事止仍舊貫酸寒益生窮歛退韓子懦惜哉連城珍不  
變三日炭玉人可求見何暇定舍館退藏亟聞道飲水  
知冷煖更當崇明德不愧三英粲

復用前韻示內

嘗聞藁砧詞破鏡喻月半為期望夫還顧影興婦嘆乃  
知同室處一笑日可玩所悲孩抱中聚沫何易散嘹然  
唯一維單棲若無伴撫枕中夜吁不寐常達旦藜羹具  
一杯日舉天隨案還勝在板屋祇使心曲亂小鬟維槁

項聊可奉匱盥每觀績麻手捷急真不緩娉婷或階禍  
今古同一貫頗知食薇清凜凜可立懦仍甘作詩窮烏  
銀以喻炭行看春日暄婦事勤繭館所求亦不奢勿遣  
兒號暖布衾幸無恙不換角枕粲

送董彥速遊仙巖

吾聞天竺峰聳若在天上峰前溪万仞激石吼寒浪堂  
中老比丘碧眼照林莽徜徉君屢遊局趣我思往此行  
何所求豈欲除二障聞呼試回頭未可踏折杖茅檐燕

寂地山氣日夜爽不斬凌霄藤君歸藤自長

寄題雲卧菴

閒居不事事枕簟信所便卧形先卧心心靜形晏然複  
壁非不完加以甃石堅其如方寸亂一夕嘗屢遷榮寵  
萃一門寧免百慮煎雖有水精屏何由得安眠章葉踏  
謠娘連臂在榻前何如山中人編茅卧山巔白雲宿簷  
間對鏡心自捐我亦遺垢氛曲肱寄林泉茲菴倘壽我  
一睡要經年

初夏觀園中草木

翠葉蕃夏初清陰勝花時閉關軌長埽步屨園屢窺青  
青溪中蒲移植井之湄下有九節根服食可不迷往時  
手種桃只今與簷齊杖間有美實少日將成蹊採菊香  
滿檐擷薺甘如飴籜龍露新綠椅梧長孫枝觀身要若  
蕉衛足當如葵節怜孤筠直惡戒蔓草滋天津白玉郎  
看花驚洛師吾人守環堵草木相娛嬉逍遙各自適慎  
勿相唐嗤

次董彥速示輪老韻

法涌僧中鸞孤絕翔千仞似聞天竺老續此燈無盡君  
遊千峰上邂逅一笑晒當知絕諸惡如草已芟蘊

二

君如千里駒但欲見鞭影既明才越都未暮已燕境適  
楚或北轅空歎道里永是中皆坦途幽處試深省

三

黃花散若金翠竹森如束此還有妙義機發同箭速可

憐鈍根士每嗟力不足須知日月疾僅得羊脚熟

食藕

人憐淤泥上出此萬朶蓮須知淤泥中有藕大如椽本  
清凝冰雪末艷方嬋娟玲瓏衆竅通蜘蛛數節連甘寒  
固不數却暑最所便髯奴來城市負籠至我前開緘尚  
帶泥未嚼先垂涎霍霍磨霜刀雷雷挹澗泉切玉墮冷  
冽已覺沉疴痊芟實鬪角紫鴻頭剥珠圓秋盤薦此果  
頓使二物捐念此澀不緇餘品莫爭妍而能豁憂思令



我心歡然竒功更耐老合作飛行仙

翠雲道中觀穫

代田誰為西漢議耐旱幸有占城禾揮鑷正見八月穫  
拾穗遙憐一老歌為言使君驅五馬北陌東阡餉耕者  
汝曹力穡更當勤慎勿惰遊辜使君

喜劉世基至作詩留之

君家飛猿西我寄躍馬北躍馬望飛猿渺若千山隔十  
載一會面一年三寄書書中無剩語只有問何如去年

秋風初君馬秣雲卧

名菴

鶴立望君來迴鞭不我過今年

薰風後取道凌雲來

名山

解鞍愒我廬握手慰我懷胞中

所蘊藏言下皆傾倒挽留莫念念索去還草草堂有鶴

髮母室有蓬首妻屋前虎豹怒屋後鼯鼯啼遠遊縱未

歸旅寓安得久三年勞夢魂一日接盃酒君歸太早計

此樂未易辭人事雖好乖興盡當語離壯時須摩厲老

矣但跛挈荃蘭本同芳霜雪有一節君識飛猿句

飛猿嶺即

謝康樂詩所

我和躍馬詩

躍馬泉荆公嘗賦詩

它時兩相寄抑亦

謂猿嶠也

慰相思

中秋示座客

去年中秋時我病起復仆苦遭水帝子百計推不去床  
前客問病草草壺觴具酬獻呼稚子應答煩老嫗今年  
幸強健佳節欣會遇况有座上客蕭散如鷗鷺尊前清  
興發豈數青蚊聚南山又朝隰晚雨細如霧難追阿連  
玩徒咏希逸賦陰晴天下同吾事亦何預不須淵有珠  
惶恤食無兔人無百中秋對月復幾度幸逢方外交姑

樂酒中趣君看清夜徂草上已多露

竹友集卷一

欽定四庫全書薈要卷一萬五千三百八十三

集部

竹友集卷二

宋 謝邁 撰

古詩

雨後秋山

宿雲散曾陰秀色還  
疊障如將螺子綠畫作長蛾樣光  
浮竹木杪影落簷楹上  
何人妙盤礴淡墨寫屏幃  
五絃豈須撫衆響亦清亮  
我病不出遊素壁倚藤杖舉觴酌

羣峰歲晚亦相訪

種松

清晨課僕奴遶舍誅蒿蓬身非郭橐駝學作種樹翁胡  
不種杞柳但種青青松念汝受命獨勁氣凌三冬明年  
見汝生何年矯蒼龍種德亦吾願穆如松上風安知百  
載後無人思角弓成陰行可賴不必荒茅中唯當護以  
棘養視如嬰童此法豈浪傳聞諸玉局公

同董彥光陳妙音遊安樂寺分韻二首

着鞭蒼厓陰下馬古寺門老僧乞食去獨瞻無上尊相  
將二玉人盤礴共一尊境靜悟塵垢林香識蘭蓀何年  
鉢羅老同訪花柳村

鳥能貫珠歌花能折腰舞老人如帝江識此真律呂春  
風已趣裝行樂更幾許吾人但取醉何必浪自苦

聞彥光田舍遇火幾焚其廩

睡龍未覺山澤枯其誰濡幙待不虞炎官弭節飛廉怒  
小屋旋徹大屋塗鬱攸飛空百鳥噪輝赫照樹騰猿呼



綠林灰盡一瞬耳况乃田父蝸牛廬天公似惜詩人癯  
約束風伯為回車百神救廩烏工往不待綆缶澆焚如  
尚令太瘦逢飯顛幸未饑死同侪儒怪竒敢追陸渾韻  
弔賀不必參元書作詩嘲誚供一笑逢人舉似應胡盧

許巨源送筍

君家遶屋青琅玕驚雷裂地千兵攢入山長鑱不汝赦  
日獲玉版登君盤有餘鼠壤幸分似憐我羹稀筋易寬  
厨人取給晝鋪膳頓使齒頰生甘寒韭菹薤苗豈復數

商美似覺無糶糶嘗聞幽士愛風竹忍噉其子吾何觀  
願君養成四時葉他時犯雪同君看

灌園

春初韭爭妍秋末菘更好嗟我喜蔬食如人嗜羊棗何  
嘗厭滋味政自樂枯槁念彼螟蠹蟲性命欲自保變相  
驚蚓異將糖嫌蠓躁故于園日涉蒔此可食草邇來秋  
雨餘三畝淨如掃畦丁猶浸灌小甕亦自抱問許機事  
忘何如漢陰老

題顧凱之醉道士圖

虎頭痴絕自不痴丹青妙處手得之石巖戲畫幼輿子  
酒狂更貌黃冠師上人坐睡真被酒二人杯杓不停手  
一人回面愁不醕二人直視開口笑上有醉墨書者誰  
翰林手題獨酌詩題詩真識醉時味畫圖如寫詩中意  
珍藏不換一斛珠李詩顧筆今世無

題文與可畫

我昔居西園手植竹數箇凜然如德友節行不敢破朝

吟玩霜枝夜聞蕭瑟清風吹一旦忽不見似覺塵土污  
人衣竭來翠雲麓日唯見山不見竹雖云山氣日夕佳  
尚恐無竹令人俗昨得與可畫自歸塵壁掛門開風動  
之如枉故人駕對山看畫信不惡何人更覓揚州鶴

寄孫子稷

我家大馮君清詩跨陰何尤工婁好怨不媿青草歌後  
生遊其門玉石例琢磨是中知味少莫辨白黑鵝獨聞  
子孫子鏘然應鸞和君嘗喜其似謂可同白科劍池佳

山水清漣映嵯峨  
孫子居山間  
新詩日吟哦  
探囊肯投  
我有篇未為  
多論文定何時  
一醉金叵羅  
更當期皓首  
共理釣魚蓑

登同樂亭飲泉

何人愛斯泉  
結構泉上屋  
空亭何所有  
冷氣宜三伏  
泠石甃淨須  
眉真可矚  
欲飲無樽罍  
挹彼纔盈掬  
何時近亭居  
更種亭畔菊  
日飲潭中甘  
庶用稽死錄

吳民載棄意堂

此身聚沫無堅強斧工伐性藥醫腸寸田蕪穢尺宅荒  
玉石落落不滿房黃婆居中補四方焦勞亦坐意所藏  
土如磽瘠草不芳令人搗項馘亦黃世人紛紛各膏肓  
我以妙語名斯堂期君得意觀濠梁從渠婪酣很如羊  
君自放意無何鄉一洗痼疾生天光漆園發藥君得嘗  
次董彥光乞米韻

董侯朝饑雷殷腹吐嗟無人羞豆粥杜陵太瘦緣作詩  
玉川辛勤坐憎俗細君截髮恐未暇有弟能令餉君粟

不妨更就乞檳榔他日金拌共一斛

分韻招無逸兄得益字

長懷烏衣遊親姓何戚戚吾曹乃其後不能迨往迹向  
來鴻雁影曠若參辰隔沉思不可見佇立久悽惻去年  
霜霰中送別衢路側今年冬風至猶未見顏色念我如  
楚囚欲往終未得倘能為我來不遠道里百要觀衡茅  
下有此座上客新釀秋已熟老菊寒尚折彌年心拂鬱  
可以一笑釋仍當戒後乘聯翩載三益

翠雲分韻得禪字

杖履信所適溪流忽濺濺行入武陵村偶入桃花源  
劃然見華屋佛界開青蓮忽忽伊蒲饌一餉腹果然同遊  
得吾黨曠達真能賢董何韻俱勝欲拍諸阮肩兩王亦  
豪舉一擲常萬錢周郎秀媚字要是佳少年衆中兀坐  
子少味亦寡言困眠借僧榻自嘲邊腹便平時所懷人  
磊落星辰懸會合不易得茲遊豈非天重來恐寡伴獨  
訪祖師禪



次劉世基韻

兒時窺豹見一斑晚學一枝千金殫齋房芝草不並秀  
且澹秋菊紉春蘭無心時共白雲出忘機日對沙鷗閒  
窮人與世各異調敢望一唱仍三嘆昨來卜居向巖邑  
玉川破屋纔數間朝看爽氣出遠岫夜聽遠舍鳴清湍  
幾回欲棹酒船去賀老不見空稽山劉郎好事肯過我  
入門矯矯真翔鸞平生飲客愁腐死望君復來酒今旨  
君如止酒要談道同酌寒泉淨無滓哦詩雖復落君後

強學猶將効曠里懸知吾廬不落莫有客同盤飯葵藿  
已呼摻手縫錦囊更遣長鬚具芒屨相携踏遍翠雲峰  
得助溪山應有作

王摩詰四時山水圖

欲知摩詰詩中畫桃紅柳綠皆摩寫更舍宿雨帶春烟  
一段風光生筆下欲觀摩詰畫中詩小幅短短作四時  
山平水遠含變態是中有句無人知此公盤礴萬物表  
胸中炯炯秋空曉戲磨淡墨汗絹素世上丹青擅場少

何人乞與輞川圖裝成小軸四時俱壁間仍題六字句  
人言雙絕古今無

同陳虛中洪駒父登擬岷臺觀水漲

雨聲何浪浪溪流勢洶洶莽蒼兩涘間不辨馬牛風翻  
擬坤軸裂渺與天河通林杪露寸碧濁浪奔蛟龍櫓搖  
扁舟下袖手閒篙工疎烟媚晚霽飛烟帶歸鴻境物復  
可寫妙手無僧崇登茲百尺臺令人豁竒胸尊開河南  
守坐有西山洪遊目託遠懷平水念禹功視河不治行

他年望兩公吾儕何所樂白著卧船篷

送邑尉朱登仕告老歸華亭用玉局老仙寄王慶

源韻

君不能黃冠還鄉乞鑑湖又不能拏舟送米煩奚奴白  
頭真負平生志妙年毫端敵萬夫向來惡少虎負嵎職  
當疾走編其鬚袴鞞不是老者事腰間羽箭吾初無揮  
盃勸飲古寺底日有野老爭携壺頗遭官長勸歸歟婦  
能右擯兒左扶但令妻病足鹿脯何憂兒寒止慰襦尊

絲作羹鹽未下鱸膾切玉秋不癯華亭自昔託鶴唳蕙  
帳後夜聞猿呼不羨人間治容子團圓十五正當壚

晏如堂詩

并序

季智伯渠州使君大夫公之長子也早以學問稱其  
家兒不幸壯歲失明不能世其祿洽聞強記于書無  
所不通尤愛泉明詩嘗使細君誦之會意處擊節不  
能已舊以女家人木蘭隨其後木蘭既辭去常扶杖  
獨行消搖自適客至必具酒與之商論古今飲酣興

健仰天而歌顧未嘗以貧病撓其胸中也廬山李商  
老命其所居之堂曰晏如且作銘號智伯晏如先生  
可謂名稱其實矣智求予詩為賦雜言一篇

西都執戟郎田少家無儲雖云貧賤不戚戚著書防患  
何多虞柴桑避俗翁寢迹安吾廬如何尚作貧賤詠更  
賦楚調長嗟吁乃知兩賢萬目憂世患不如先生無目  
自晏如朝哦詩千首暮對酒一壺木蘭能歌作行雨但  
聞龐婆時誦田園居閒移筇竹自索塗醉或起舞嗔人

扶幅巾深衣端可畫每嘆伯時何在無人圖往日山陽  
徐仲車不聞世事唯耽書使君早興合堂坐誇今彈古  
定自娛徐能開口論事以難客君當書空作字以曉徐  
吾知二人可同傳不知細書太史今誰歟

題呂隆禮詩後

岐山鳳多雛鳴必中律呂乃知忠厚家要作謙退語申  
公二世後有子筆甚武四公如日月映照萬萬古此郎  
膽如斗一筆要連拄不知秦陳輩渠欲置何許他年品

斯人戰國一豪舉

次洪駒父遊明水韻

適也學耐辱况負三宜休頗有幼輿風自許壑與邱仙  
境想方丈山形懷不周如何在眼山未暇著屐遊翁鬱  
明水峰爽氣常不收遜公釋門老苦節無匹儔食訖自  
灌畦挈水端若抽到今巾屐在迹勝境亦幽常評左轄  
賢當從古人求從政獨何有未說賜與由勸耕遍阡陌  
民歌殖田疇幽尋到山寺弭節聊滯留衆賓各文采祭



祭五檠翰賦詩雜流麗如柳春映溝何必打兩槩歌舞  
催莫愁聞風我滋悅尋勝行且謀朝遊可暮返豈曰山  
川悠

咏二疏

辯如懸河陸大夫不畏嫚罵談詩書歸來分橐養群雛  
隨從歌舞樂有餘兩疏高蹈要齊驅長揖儲君歸里閭  
願為羽翼還商于豈願飛刀繪生魚揮金延客以自娛  
子孫勤力舊田廬同時異代多不如高明長遭鬼揶揄

平明爭入七香車，華屋擬用黃金塗。壯心雖在逼桑榆，  
長歌擊碎玉唾壺。宦成名立盍歸歟，江湖之士可胥踈。  
君不見渠家父子並轡出東都，于今粉繪寫為圖。

集菴摩勒園會者十人，以它年五君詠山王一時  
數為韻得時字

生涯水中萍，漂蕩更何之。十年餬其口，不食故園葵。思  
歸同越鳥，長是巢南枝。祭竈郭北隅，小屋如雞棲。園開  
十肘地，草木方華滋。紅樓媚夕陽，初篁搖輕颺。招我賞

心舊於焉持酒卮合離如日月果有弦望時詩壇失老  
將一鼓氣已衰賴我如虎賁典刑猶在茲相歡且盡醉  
莫詠驪駒詩

竹友集卷二

欽定四庫全書薈要卷一萬五千三百八十四

集部

竹友集卷三

宋 謝邁 撰

古詩

李成德作二筆几以其一見遺云得樣于郝子中  
家并示長句輒次其韻奉酬

琴不安絃製竒古可憐不入文房譜鼠須龍尾玉蟾蜍  
與汝俱成會心侶誰能好事為品題端效廣微亡輒補

金少口人卷三  
卷三  
謫仙傳樣桂林家以暗投人吾竊取我書太俗如墨豬  
下慚羅趙何足數蒙公厚貺試臨池一字不成如畫虎  
欲報初無青玉案哦詩况乏驚人語淨鋪滑薄待君來  
慎莫躊躇畏今雨

李成德復用前韻見貽亦次奉和

蔡家筆法擅今古楷書尤誇荔枝譜後來誰筆最通神  
要與渠伊為伴侶只今書學貴瘦硬弟子員闕誰可補  
君持此几要投人字畫不工那得取山人俗書如俗馬

骨少肉多今不數當君此贈恐不堪大似無功饗鹽虎  
新詩繼作苦難和只賞君房妙言語嗟予老矣亦懶書  
留與兒曹寫時雨

次韻郝子中所藏筆几

聞君文史三冬足家居未奏三千牘明窓棊几靜無塵  
筆研清幽真不俗小棊承臂筆縱橫章草真行隨所欲  
家藏敝帚將何用時人尚作千金畜此雖奇物君莫惜  
似把隋珠當魚目小童傳觀許見貽與君杯酒初相屬

吾詩戲作異香山唐衢雖見何由哭見公真玩為君賦  
銅鉢聲終字盈幅

朱端甫以畫牛一紙遺李成德成德以示予為賦

長韻

畫牛蹄角四十八楮生塵昏僅可閱頭頭露地各逍遙  
不愁牽車喘見月舐筆和墨誰氏子定是道人非畫史  
把鼻牽回得真牧信手摹成妙如此朱公自成老斲輪  
不惜是牛持贈君願君成誦石鞏語更將此畫同參取

次韻李成德謝人惠墨牛

君不見八百里誇王氏駁常救家童瑩蹄角綺襦紈袴  
競奢豪卧席不安愁禍作何如傳寶墨牛圖不飾青黃  
如素樸向來竒畫購千金宜在蘭臺天祿閣兩牛方鬪  
未雌雄或奔而從或小却其餘三四亦殊絕或如虎卧  
鶴俛啄滕王蛺蝶東丹馬嘉陵山水青田鶴如將優劣  
比人才長文何必慚文若人言愛畫亦一癖被野牛羊  
何用貌是家持論果非耶煩君試為評其略



午日

今日定何祥桃柳各映戶粉團高氣薰鵝肉椒菜覆朝  
飴隨土風盃酒晚來具綵絲纏祭筒畫楫誇競渡楚人  
哀怨情正以屈子故當年葬魚腹蓋坐入宮妬榮華一  
時好放逐千載慕得失吾不知持杯自欣豫

成德不面逾月僕以病暑不能出謁輒和所寄藁  
字韻詩奉寄兼柬子中

門前蓬藿無人掃客去墻陰藜莧老我家城北君城南

相憶何其挂懷抱不聞叔寶方外談澄也何因令絕倒  
知君不作避暑飲閉門亦深荒徑草鈎章棘句日吟哦  
玉軸牙籤時探討邇來聞草鹿脯帖盛湘十日虛蘋藻  
摻摻丸樂恐不免俗客縱譏何足道恨我猶嫌襍襪嘲  
不敢熱行唯夢到君收竒功翰墨林筆陣可掃龍虎島  
願言不學司馬公萬事逢人盡稱好我待燕石初不如  
浪欲珍為夜光寶殘暑促裝行造請曉來涼氣迎秋早  
定邀隣舍廣文公同聽誦詩傾腹藁

碧筩

君不見韓潮州銀作飲醖誇工倭鑄花鏤葉太瑣碎何  
言豪士亦爾為又不見六一翁嘗吟鸚鵡紅螺詩華堂  
一醕豈不樂清歌勸酒須蛾眉吾儕山人寧有此競折  
圓荷為飲器細傾初作露珠圓滿引忽驚雲液碎鼻中  
寂寂聞妙香舌本徐徐識真味採蓮當聲花當妓豈有  
登臨百金費安得城西十頃塘水光搖蕩暑風涼時引  
碧筩如象鼻仍看翠蓋立霓裳

感白髮

吾年昔始冠已有一白髮作賦數百言嘲罵等戲劇只  
今尋舊作一字不復憶恍然如夢寐了不見往迹但有  
鬢間絲冉冉如可織南方地平濕壯歲多老色行年四  
十二髮鬢那容惜洗蘓將拔白諱老嗟何益一染復星  
星此語記阿客人生光景促倏忽如敲石詩成亦竊語  
感嘆初無得後應不識今今已不識昔

秋日登鳴玉亭

山路秋陽何赫赫山亭淒冷多秋色  
豈惟醒耳玉涼瑯  
照眼光寒如練白  
舊聞瀑布垂雲間  
况疑銀河墮天關  
西望香爐不得往  
箇中元有小廬山

次董彥孚韻兼柬之南

大門江南英詩名重當時兒時得其藁  
同輩爭誦之不  
及拜諸門常恨生若遲  
只今諸孫子籍甚皆能詩  
大篇每投我孰非黃絹辭  
我詩不成句落筆為衆嗤  
如人食土炭嗜好終不移  
君何獨嘗味與衆真異馳  
相望巷南

北不面令我思歌聲亦若哭此意誰當知阿大一門傑  
相為塵外期風流竹林會應許仲容隨

有懷覺範上人

道人心與貌俱古哦詩不復效等伍清疑仙掌露華墜  
新似秋空玉鈎吐要將餘事付風騷已悟玄機窺佛祖  
泐潭老子乳於菟果在叢林嘯風雨何當掃室祇樹園  
夜看金盆聽軟語我雖不是龐德公懶駕柴車入城府  
公如歸結白蓮社留我山邊一屨許

次韻之南讀彥光詩有作

君家父子俱能詩天遣淑鳥鳴春時文窮抵掌定不免  
齊竽不學君何疑平生說詩喙三尺只今蹇吃成期期  
願君高處古無上聊以自警無邪思

次韻彥光睡起病目

蝶夢悠揚卧碧紗知君不賞玉釵斜夢回起坐有佳思  
亂觸牙籤書五車黑蠅著眼君勿嗟學道乃得青蓮華  
商略此言當過我樵青竹裡為煎茶

喜汪叔野見過

大汪權竒汗血駒小汪連翩鶯鶯雛垂頭未遇伯樂顧  
覽輝將下朝陽梧豈知青衫埋朽壤更令斑鬢困泥塗  
喜君翩翩過我廬握手借問今何如若云難遂白髮志  
竭來翻作青衿徒急呼歡伯置座側解顏談笑聊相娛  
語及阿兄平日事往往屑涕長歛歛怪君長不滿六尺  
高譚似是膽滿軀且寬是事飲此醕逢人但作顰囁嚅  
苦留君住騎勿驅明朝酒盡為君酤更闌月落起浩嘆



四面宿鳥鳴相呼

追和柳子厚二首

讀書

吾生後淵明頗亦念黃虞要知千載外所學非殊塗兀  
坐對聖賢撫卷一長吁彼智自明哲惟狂益昏逾一源  
同濫觴派別乃差殊我觀載籍中世事何所無痴人不  
識古謂與古人俱相望何遥遥清都視積蘓吐此不可  
獻諷誦聊相愉嗟哉子柳子文章蓋羣儒速進自貽戚

南冠成紲拘天孫不與巧溪神亦為愚讀書雖滿腹何  
曾救饑飭乃知伾文輩要路難齊驅

飲酒

世故不料理萬事付一樽呼賓陳肴藪乃爾不憚頻秩  
筵初嚴冷稍稍笑語喧有如鄒子律能回寒谷溫朱顏  
挽不住雪鬢日夜煩人生行樂耳憚也亦至言哀哉獨  
醒人顛顛拾蘭蓀寧知阿堵中端有妙理存

寄題朱氏小隱園

吾聞滑稽兒避世向金馬刈草吉雲鄉探鳳荒城野斯  
人玩世耳豈必蒿廬下牆東本僧牛君平蓋卜者朝市  
亦堪隱山林實瀟洒君居占深源境物祭可寫老檜上  
干雲孫桐已拱把兩窓修竹響風磴寒泉瀉此翁少年  
日射巧如注瓦百金裝寶刀千金買流赭晚歌紫芝曲  
情性妙陶冶蒲履縠皮巾何取綬若若嗟予亦曠蕩與  
世自磊苴方期訪桃源更欲結蓮社

次韻董之南見贈

章甫不入越夏蟲多拘時生無適俗韻舉世誰知之鍾  
磔不並世無人識邱遲雖有落花句知為何等詩如逢  
賀賓客方嘆烏棲辭我初出險語俗子爭唐嗤俛眉欲  
從事復恐遭文移亦知適楚車安可從北馳董子名父  
子平生所懷思雖云識面晚相聞已相知君詩有古意  
且結皓首期端能啖杞菊時復過天隨

陳循中求賦高麗墨詩為作長句

老松收煙琢玄玉可試洮州鴨頭綠來從萬里古樂浪

傳到麻源第三谷要須岱郡鹿角膠擣成可解土炭嘲  
請君摩研寫新作一弄潺湲弔康樂

貫時軒

城北有陳侯眉宇初未識似聞臭味同炯炯見胸臆願  
言登子軒哦句呼阿客看君陰森下玉潤映連壁龍吟  
秋夜永卧聽風撼撼或當命柴車獨吟此君側興盡悠  
然返誰能煖君席

讀莊子內篇

經春十日雨却掃門無車伏枕夢鳴轂淙琤行溜渠端  
坐發深省妙香浮素裾盥濯披陳編諷誦臨前除陳編  
為何誰漆園傲吏書竒辭通詭詭空語極虛無得意榮  
辱境脫身憂患餘胸中灌頂句身上如意珠逍遙有妙  
處領畧歸一途塵影閱千世風波連九區投足寄其間  
鼎鼎一何愚倘得蓬蒿鷄勿笑溟海魚

竹友軒

畏夏苦執熱開軒除鬱蒸簷前鳥雀喧朝旭上朱甍席

間裁函丈詩書浩縱橫盤礪環堵間幽獨懷友生古人  
在黃卷十載使我傾出門窺物變草木各鮮榮青青牆  
東竹見汝忽眼明愛玩不能忘移根傍軒楹俛仰與竹  
俱定交見深情不是無朋友此君冰玉清風吹萬籟響  
寒梢韻竽笙我獨哦其間詩作秋蟲鳴琅玕亦有實期  
汝向秋成鳳凰何時來翾翾翔我庭

舊時王子猷愛竹僅成癖斯人向千載論世心莫逆吾  
軒謚竹友寓意比三益應知舊雨來今雨定掃迹





竹友集卷三


謹案卷一第二頁後三行公家兄弟聲明赫原本  
赫訛白據宋元詩會改

第二頁後五行貌雖夷易心巉巖按宋元詩會夷  
作平

卷三第一頁後二行蒙公厚貺試臨池按宋元詩  
會厚貺作遠惠

欽定四庫全書





總校官庶吉士 臣張能照

校對官編修 臣莫瞻菴

謄錄監生 臣和其聲

欽定四庫全書會要

集部

竹友集卷六

四至

詳校官助教臣謝登雋



欽定四庫全書薈要卷一萬五千三百八十五

集部

竹友集卷四

宋 謝邁 撰

近體詩

陶淵明寫真圖

淵明歸去潯陽曲杖藜蒲鞋巾一幅陰陰老樹轉黃鶯  
艷艷東籬祭霜菊世紛無盡過眼空生事不豐隨意足  
廟廊之姿老蓬華環堵蕭條僅容膝大兒頑鈍嬾詩書

小兒嬌痴愛梨栗老妻日暮荷鋤歸欣然一笑共蝸室  
哦詩未遣愁肝腎醉裡呼兒供紙筆時時得句輒寫之  
五言平淡用一律田家酒熟夜打門頭上自有漉酒巾  
老農時問桑麻長提壺挈榼來相親一尊徑醉北窓卧  
蕭然自謂羲皇人此公聞道窮亦樂容貌不枯似丹渥  
儒林紛紛隨溷濁山人高義久寂寞假令九原今可作  
舉公籃輿也不惡

斲苓軒

萬鍾辭屠羊五鼎貪主父是間多毒腊可茹亦可吐緬  
懷陶隱居朝服挂神武餌苓期卻老曠蕩適林莽我家  
城西偏有地一廛許開軒俛長松倒影廕庭廡嵌空宿  
龍蛇晻曖藏霧雨流脂入地脈凝結歲月古長鑿白木  
柄生事聊付汝想彼塵外人遲暮肯同煮但當捐兔絲  
敢望擘麟脯

約諸人遊羅坊觀

陽夏吾鼻祖人物傾九州間攜東山妓文靖極風流屐



齒步飛磴快哉康樂遊耳孫牛馬走闌情無匹儔但有  
愛山趣尚能繼前修頗厭城市塵拘繫如楚囚竭來龍  
泉上杖履隨沙鷗幽尋風露靜江月動金蚪青山帶長  
江佳氣日夕浮旁有列仙家丹樓連飛樓琴書靜無華  
竹樹煩更幽約我雲霞交茲遊及清秋朱絃蕩塵襟芳  
尊寫牢愁道士如彌明長頸高結喉初無石鼎句嶮怪  
壓劉侯從渠倚壁睡吾屬足冥搜

無逸病日以詩戲問

六根無牢強萬事有戕敗丹白豈不知能令眼根壞溪  
堂老居士學道入三昧空花結空果過眼了無礙偶然  
幻翳侵惱此清淨界道人不易得定為天所愛恐君墮  
塵劫豫此小懲戒病眸點空青勿作兒女態為君禱于  
天君病立當瘥未忘覩詩書不敢窺粉黛

題戴崧石鼎聯句圖

衡山道士熊豹姿夜過劉生逢說詩止于座隅初莫識  
口不能言心自知坐中清逸校書郎新有詩聲誰過之

豈知老子殊不淺可但逐兔愁蛟螭須臾指鼎出佳句  
脫畧凡韻生新奇二生得句不敢吐鳴聲強作秋蟲悲  
慄如窘兔避鷹隼慄如敗將收旌旗借問舐筆摩者誰  
定是盤礴真畫師退之斯文有妙處丹青寫盡初無遺  
彌明學道如不死應在衡山深處栖端能過我挑詩敵  
與君周旋吾敢辭

讀葛洪傳

葛洪鍊丹砂却老得遐壽鶴髮安在哉巖穴遺井舊勞

生亦何為荏苒度昏晝煌煌崑山芝未暇擷三秀寄謝  
浮邱翁何由挹其袖

讀三都賦

漢遭陽九運無復見中興不聞黃屋處郊野蔽旗旌三  
人已成虎况阻三國兵揚塵日月暗喋血郊野腥作都  
雖云美其如九鼎輕十年翰墨手摸寫費丹青人與骨  
俱朽山川空炳霧吾懷鮑明遠寂莫賦蕪城

田父招飲不赴

萬錢供食如嚼蠟百壺載酒如飲水要知自古窮達人  
脫畧世味皆如此經旬不逢南鄰伴曲肱聊寄北窓底  
田父剝啄扣我門頗應昨夜燈花喜殷勤攬衣謝父老  
陶令愛酒今朝止伏雌可殺葵可羹他日薄飯招鄰里  
吾君恭儉似文帝勿為酒醪傷穀米

喜雨

是日聞改元

涉冬無一雨玄冥阻驕陽上田塵沙飛下田蒲稗荒鋤  
犁不入土龍具挂壁牆村居巷無井抱甕汲長江汲多

恐流絕無以飲牛羊昨宵天意動浮雲霾月光洒然潤  
物功洗蘇及枯楊先帝劍弓冷小臣涕淚傍屬聞建中  
號謳歌騰路傍雨從膏澤沛風與和氣翔山林獨何幸  
預喜霑稻梁尚能賦時雨激烈歌阜康

余賦野香亭前木犀花二小詩盛稱此花之妙而  
江迪彛賦梅花詩以反之往返唱和十數篇二  
花優劣未決故復長韻示之

君不見杜陵布衾冷如鐵朝來米盡炊煙絕偶然乘興

江上行無奈被花惱不徹城南陋巷有江侯讀書蒲團  
生蟣虱吟成少陵七字詩酷愛梅花似冰雪竹友道人  
端可嗤頷髭如棘手如龜從來口業洗未盡醉吐狂辭  
歌木犀賞花自是少年事出口未覺吾儕痴我今束縛  
喙三尺勿與世俗爭妍媸空花遍世不礙眼淡如雲水  
老禪師

寄題王立之賦歸堂

小官五斗米達官五鼎食均有懷祿心細大各封殖疾

驅挽不還此輩車轂擊王侯生綺紈雅意在山澤頗賦  
歸去來作堂慰休息似聞一尊酒醉眼分青白何時上  
君堂酌酒話疇昔和君五字句想望柴桑陌

亦愛軒

漆園游濠梁得意儵魚樂淵明愛吾廬感彼衆鳥託兩  
賢俱達道妙處要商畧夫子誰與歸潛也如可作柴桑  
久無人茲道竟寥落頗能誦其詩尚友亦不惡世路多  
艱險君軒可槃礴但恐君出遊蕭朱綬若若



求定齋

吾觀大梁城九衢塵暗天蠻觸日交爭夔蛟互相憐此  
心如慈幡裊裊風中懸王子閉門卧守心長縛禪能定  
乃能應如鏡別醜妍吾豈匏瓜哉孔子有至言君看日  
月行亦若磨蟻旋涪翁已發藥此句不用傳

黃魯直為  
名此齋并

道其名  
齋之意

寄饒次守

我初卅角時聞有饒進父

次守舊  
字進父

破衣下里舍應書不

得舉要是磊落人白眼看法度吹笙彈箏篴餘事能律  
呂市人惡少年往往爭笑侮掉頭出里門徒步大梁去  
蒯緱謁王公敝貂走風雨十年不還鄉無人問死所客  
從北方來喜氣滿眉宇探懷出君詩字字粲瓊璵筆縱  
入顏揚句法窺李杜竒偉可畏人我輩誰比數借問從  
誰遊一一英俊侶我家阿夷兄詩有春草句說君不離  
口恨我識君暮帝城十二衢素衣染黃土食貧出無車  
羈旅亦良苦束書早歸來隻雞祭墳墓况聞霍將軍尚

有陳氏母銅山鬱嵯峨其下原膺膺我思結茆舍帶經  
學農圃他日如買隣定可連牆住頗聞君卜昏我亦未  
有婦要知子柳子各娶老農女東市買杯杓西市買筐  
筥南市買綆缶北市買甌釜生理能稍稍來往辦雞黍  
兩家如有子男女互嫁娶從來不識面便作平生語但  
緣臭味同請君莫訝許

讀潘邠老廬山紀行詩

杜陵骨已朽潘子今似之歛觀廬山作乃類北征詩是

家好男子札翰非凡兒阿耶有新句把筆如畫錐此詩  
落吾手三復喜可知有才如長卿武帝思同時不令歌  
天馬亦合賦靈芝胡為鬢已凋但作愁苦辭錦囊忽妄  
發恐為俗子嗤

汲古齋

人言曲誤周郎顧豈謂周郎真好古長歌短調各風流  
說盡心招及眉語頗聞汲古用修綆乃知餘事工律呂  
君軀三尺胆如斗欲窺唐虞探鄒魯頃來長安濶畫眉

時人半額相媚媠天姿潔白惡丹鉛獨有溪頭浣紗女  
要知學者用心處不追時好乃如許君家有井千尺深  
容我時攀轆轤否

寄李商老

所思定何方渺然羌山麓別來經一年不寄書一幅憶  
在元真館與君同飲缸論文久未去夜雪打寒牕明朝  
款君門篋輿踏殘雪尊前聽君談意氣排凜冽雪中兩  
相過把酒俱留連豈同剡溪去興盡回酒船今年走東

吳無復相邂逅，遄回行路難。歸已三月後，逢君所知人。  
頗嘗問君安，猶聞卧苦塊。毀棘今藥藥，君家所嬌兒。聞  
已去懷抱，昔我嘗見之。瑤環實娟好，我歸卧衡門。愁君  
亦如君，淋雨子桑病。敝冠原憲貧，此懷其誰語。思君何  
能已，寄聲勞苦君。兼問兩季子。

竹友集卷四

欽定四庫全書薈要卷一萬五千三百八十六

集部

竹友集卷五

宋 謝邁 撰

近體詩

集菴摩勒園觀李伯時畫陽關圖以不能捨餘習  
偶被世人知為韻得人字賦六言

摩詰句中有眼龍眠筆下通神佳篇與畫張本短紙為  
詩寫真渭城偶落吾手小圃傳觀衆賓坐上宴如居士



暗中摸索離人

次韻董彥速送珍上座還漳江

阿師身小膽能大文字曾追權可遊

珍云曾從權可詩僧也

尋山

紅葉半旬雨過我黃花三徑秋隨處龐公雖有偈他年  
支遁恐難酌經行若箇門風是聞說漳江似趙州

招李成德

妙年英偉定榷枿老大如樗百不堪黍飯莫孤元伯約  
山夫豈有德公談棋無多算愧三北詩要重論窺二南

只恐尋芳嗟較晚  
夜來風蕊落毵毵

採金櫻子

三月花如蒼筍香  
霜中採實似金黃  
煎成風味亦不淺  
潤色猶煩顧建康

讀何易于傳

吏皆愁死自焚詔  
農正勤耕身挽船  
墨綬紛紛滿天下  
不知誰拍此渠肩

讀嚴子陵祠堂記

羊裘不見釣臺傾  
山到臺邊分外青  
天上故人新黼黻  
身前萬事一筇筇  
章侯筆法逼秦相  
范子文章原易經  
圖畫名臣久磨滅  
此碑千古粲繁星

觀漁二首

腹腴端可飽新歡  
柳貫霜鱗照眼寒  
莫惜寶刀煩玉腕  
要看飛雪下金盤

活我波間雙鯉魚  
待傳千里故人書  
嬌蛾莫道留君掃  
怕捲珠簾總不如

潘邠老嘗作詩云滿城風雨近重陽邠老亡後無  
逸凡用此句足成四篇今茲重陽只數日風雨  
不止淒然有懷作二絕句念泉下二人不再作  
不覺流涕覆面也

地下修文兩玉人清詩傳世墨猶新却因風雨重陽近  
獨立蒼茫淚一巾

阿兄溫潤王介導我友淡薄朱絲絃只疑蟬蛻遊人世  
醉插茱萸若箇邊

隱居

清時甘小隱卜築在山阿家有傳蠶室機如凌行婆閒  
看斬猫話羞作扣牛歌不出又三月柴門生薜蘿

秋日登擬峴臺二首

步上溪邊百尺臺斬新秋色正傷懷千屏翳繞碧雲合  
一字傾歌鴻雁來

徘徊欣與賞心同讀遍碑詞字字工共嘆黃壚封白壁  
一時悲淚洒秋風

秋暑

秋暑不可奈秋風殊未來何時踈畫扇無處覓涼臺誰  
謂月離畢空驚山殷雷愁聞老農語南畝半黃埃

寄汪信民

泮水傳經老蓬山著史才宦游思引去祿養可歸來要  
路眼誰白浮雲心自灰少年何太健君馬獨虺隤

二

繫纜符離日君行殊未歸寄書問亳社有夢過江西不

見揮犀柄頻驚響馬蹄殷勤具雞黍多謝德公妻

喜董彥速自仙巖歸

鉢囊高掛同僧夏遠寄巖間一把茅地僻狙猴長作伴  
食貧蕨筍不充庖瘦藤拄下萬峰頂野鶴來歸千歲巢  
點檢篋中詩幾首蒼頭時遣為君抄

莫莫堂新竹

僻寂漏茅屋蕭梢新竹枝徑迷人不到蔭密鳥還知綠  
色蒼蒼換薰風細細吹即看柯葉老不受歲寒欺

夏夜對月

掃月追涼清夜分是間風露別乾坤  
山林畏佳地多籟雲漢昭回天不言  
平野極瞻南紀濶稀星遙拱北辰尊  
時平萬里無兵草靜愛雞鳴犬吠村

煎粟湯二首

萬粒勻圓剖罌子作湯和蜜味尤宜  
中年強飯却丹石安用咄嗟成淖糜

松黃浮椀色蒸粟初味餘甘如苦茶  
粉粟為湯兩奇絕



甚甘純白勝醍醐

問劉世基疾

君如寒涕嬾瓚師如何久苦造化兒清漳嬰疾古所歎  
淋雨裹飯今其誰探囊苦乏萬金藥歷眼疇為三世醫  
他年上疏恐不免細君莫念眠牛衣

蔡師直畫山水研屏二首

畫翁元勝斲輪手喻子丹青如有神平遠還堪助詩思  
故疑摩詰是前身

淡墨江山作小屏，碧紗煙裡護寒泓。  
蟾蜍寫盡看倒影，身在山陰佳處行。

和季智伯病中書事四首

多病過嗟蒲柳弱，故交聞似曙星疎。  
逢人休問金篋術，殺簡宜繙石室書。

訓釋雖工非世好，風流未減已形枯。  
固知商也真無罪，豈謂穹穹不可呼。

應知露肘貧堪忍，只有哦詩興未疎。  
莫遣木蘭當戶織。

須煩阿買八分書

老來更驚詩筆退  
愁生惟怕酒腸枯  
尊前學得新翻曲  
早晚揮盃幸見呼

春寒

冉冉雲生額  
翻翻雨決渠  
畏寒成瑾戶  
惡濕問生魚  
始快春衫薄  
俄驚團扇疎  
天憐憔悴骨  
莫遣峭風梳

觀棋

客憩茂林晚  
風生涼簟秋  
縱橫飛碎玉  
勝敗決中流  
北

叟暫亡馬西風還覆舟誰能關許事寓目且忘憂

喜晴

十日江村烟雨濛曉來初快日升東  
揆莎蕉葉展新綠  
從叟榴花開晚紅得句又從山色裏  
發機渾在鳥聲中  
披衣出戶盼四野好在良苗懷晚風

送和香與彥速二首

侯莎新補蔚宗傳藿燥蒼粘擬可憎  
試炷博山元不俗  
小奩分供在家僧

窓間一炷結趺坐萬象森然應眼明不印香巖薰未歇  
何妨人誚太憎生

暮春久雨

季月何多雨經旬不見山雲師工蔽塞義馭久間闕水  
已澤中滿寒應天際還壞牆憂盜入只益鬢毛斑

晚春書事二首

春來畏病不飲酒孤負山南山北花有客款門驚剥啄  
無人追韻得車斜獨酌砌下二三子豈憶城南韋杜家

不畏詩窮嫌水厄時時搜句煮新芽  
未曾留客十觴醉已是飛花三月時  
忽悟病來真老矣  
倘逢聖處亦中之眼前用意半乾沒  
世上忘形皆白痴  
誰似陶翁有名酒呼兒覓紙又題詩

和陳虛中與呂少逸唱酬口號

霏霏玉唾勝三語灑灑金荷傾十分  
簷外催詩疑有雨  
林間張幄豈須裙臨溪尚憶童時釣  
問俗仍寬柱後文  
珍重兩公新句麗落花依草競紛紛

螢火

日出知何許宵行有底忙  
自疑緣寸草不敢近扶桑  
瑣碎豈堪數神竒安得長  
微風迹未掃更待九秋霜

七夕書事

燒燭留今夕啣杯憶故年  
風前失二士句裡問三玄  
隨分瓜蔬設占星老古傳  
不須文乞巧只有直如絃

朱濠州挽詞二首

俊軼金閨彥風流粉署郎  
憂民形玉色治郡輟鸞行  
籍

甚聞前席居然欲掩芒  
何人殺青簡惠政在濠梁  
公才真霹靂令德故從容  
未錫九環帶俄傾千丈松  
清香銷燕寢遺札陋登封  
身後纍纍印紆青已二龍

哭無逸兄

久客思鄉社長歌去國門  
還家未偃息樹旒忽飛翻  
苦淚不勝滴悲懷誰與論  
平生急難處愁絕望鵲原

二

文章不用世歲忽值龍蛇  
遽使賢人隕長興志士嗟  
有



金夕日人卷五  
兒纔句讀無地可桑麻賴有興元尹能賙孟氏家

三

溪堂載酒地無復古人車敗壁龍衣委荒畦馬齒疎淒涼閉關賦淪落廣微書但有清風在時時為掃除

題于逢辰畫

踏遍江南岸歸來試解衣誰言物外賞不與筆端為石帶蒼苔瘦風凋折葦稀令人清興發欲問釣魚磯

戲咏石榴晚開二首

靡靡江離只喚愁眼前何物可忘憂  
棟花淨盡綠陰滿  
纔見一枝安石榴

無復幽姿淡淡粧  
胭脂深染薄羅裳  
芙蓉影裏避三舍  
石竹叢中許擅場

端午即事

卯飲綠佳節昌陽薦一卮  
兒諂射團事妻誦賜衣詩懶  
檢三閭傳爭纏五綵絲  
平生幾端午隨分作兒嬉

書李元亮真牧堂賦後

揮翰眼中元亮牧牛何處癯仙公擇如今不泯當去聲家  
諸子俱賢

題陳陽樹石二首

寒藤骨數百尺枯木大七八圍挽取到公竒石俱還數  
幅寒溪

解寫枯松潤石陳陽筆意名家弟子蔡規今老古人王  
宰何加

哭汪信民

竟欲遊梁苑聊甘食楚萍  
談經謝紈袴植髮憩槐庭  
著鏡鬢毛改橫空煙霧冥  
誰評貞曜謚更謁退之銘

二

徐穉生何陋袁弘輩豈如  
誰知十斛水中有百金魚  
肘見貧非病疽成憤不攄  
銘旌返南國寥落正愁予

杞菊

雨洗幽叢清客襟  
厨人採掇獨何心  
根苗扶老或名杖  
蓓蕾舒黃無數金

絡緯

聒人長向井邊啼  
在宇丁寧戒授衣  
織素盡輸官事了  
秋來工女正投機

倦夜

山月斜臨帳  
山風細拂裳  
蕭蕭碧煙靜  
炯炯白間涼  
境寂萬緣息  
心灰千慮忘  
無端催曙鳥  
底事厭宵長

喜董之南歸

乾鵲飛翻噪晚林  
阿南歸騎果駸駸  
青衫黃綬霑新命

白石清泉是素心  
金鑷多情洗雙鬢  
葛巾從此避華簪  
來年往獻東巡頌  
今日聊為梁父吟

懷祥首座

師在羗廬西復東  
無心還似鳥飛空  
月鈎雲幙今何處  
禪板蒲團只眼中  
未悟竹間鳴瓦礫  
擬隨童子問鈴風  
前身倘是胡居士  
打破虛空對沼公

竹友集卷五